



## **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

2163. Hans von Bordorf bittet den Kurfürsten Johann, das zu seinem an  
Götze von Wolfersdorf veräußerten Schlosse Bornstorf gehörige Dorf  
Tornow dem Käufer zu verliehen, am 14. Januar 1490.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

wollen, behaltten wir vns daran den widerkauff fur sein Sum, wie obftet, wenn vns das ebent zu ton, doch das jn folchs alle weg ein halb Jar zuuoren, wie obftet, verkündigt werde. Der genant vnser Oheim sein erben, bruder vnd vettern sollen auch von dem ampt Crossen, dy weill die tausent vnd Sechszhundert gulden von Caspar Crachten nicht wider abkaufft vnd sy Crossen Inhaben werden, alle Jar auff ein iden sant Michels tag die mit hundert vnd acht vnd czwenzig gulden verczinsen, geben vnd vns der benehmen nach laut der verschreybung daruber aufzgangen. Wo wir aber nach gescheener aufflag die bezalung nicht thetten, wo sy dann der nicht bezalung halben schaden empfangen wurden, der redlich vnd beweizlich wer, Sollen wir jn mit sampt der hauptsum zu bezalen schuldig sein vnd geltten. Sie sollen auch solch vnser Sloffer jn wesentlichen vnd gewonlichen paw halten. Was sie aber daruber aus vnserm gehailz vnd willen verpawen werden, Sollen vnd wollen wir jn folchs nach erkenntnus vnser baidere Rete jn gleicher anzall mit sampt der hauptsum vergnugen vnd aufzrichten, alles getrewlich vnd ongeuerlich. Die Weinperg zum Sloz Crossen gehören, sollen sie auff getrewlichst pawen lassen. Was von weynen dauon komet, sollen sie vns zu Crossen die helst schuldig sein zu antworten etc. Czvrkundt etc. Actum am tag Michaelis jm LXXXIX<sup>ten</sup>.

Nach dem Kurmärktischen Lehns-Copialbuche des K. Geh. Kab.-Archivs XXIX, 68.

2163. Hans von Bördorf bittet den Kurfürsten Johann, das zu seinem an Göbe von Wolfersdorf veräußerten Schlosse Bornstorf gehörige Dorf Tornow dem Käufer zu verleihen, am 14. Januar 1490.

Durchleuchter, Hochgeborner Furst, Gnedigster herr. Mein willige, vnderthenige dienst ewern furstlichen gnaden alzeit zu vorn berait. Gnedigster herre, ich hab Goczen von Wolfestorff, Amptman zu Slieben, Meinem sunderlichen guten frunde, Mein Slos Bornstorf mit allen gnaden vnd rechten, wie ich das von koniglicher Majestät, auch mit dem dorff Tornow, das ich von ewer furstlichen gnaden zu lehn hab, verkauft erblichen. Darumb ist mein diemutige beth, Ewer furstlichen gnaden wolle mir als gnedig sein vnd solch dorff in craft dits briues jn verlassung derselben lehn von mir auff nehmen vnd dem genanten Gotzen von wolffestorff gnediglich zu leyhen: vnd so Solch geschicht, So verlasse ich solch obgenaut guth Tornow jn ewer Furstlichen gnaden hant mit allen gnaden vnd rechten, wie ich das von ewer furstlichen gnaden zu lehn gehabt, vnd Bitte ewer furstlichen gnaden, wolle derhalben kein unfallen haben, das ich ewer gnaden jn aigner person nicht besuche, wenn ich iczunt gebrechen hab meiner bein, gar vbel wandern mag, will ich mit meynen willigen, vnderthenigen diensten vmb ewer furstlichen

gnaden, wo ich vmer kan vnd mag, vndertenig verdingen. Datum zu Luckow, am donerstag nach dem achtten tag der heyligen drey koning vnder Meinem Sigill, Anno etc. XC<sup>ten</sup>.

Evr f. gnaden vnderteniger Hans von Buxstorff.

Nach dem Kormärk. Lehnscopialbuche des R. Geh. Kab. Archives XXIX, 40.

2164. Kurfürst Johann verleiht das Dorf Tornow an Götz von Wolferdorff, Amtmann zu Schlieben, am 21. Januar 1490.

Wir Johans, von gotts gnaden Marggraue zu Brandenburg, Churfurst etc. Bekennen ossentlich mit disem briue vor vns, vnser erben vnd nachkomen Marggrauen zu Brandenburg vnd sunst vor allermeniglich, die in lehn, horn oder lesen, das wir Goczen von Wolffestorff, iczundt amptman zu Slieben, das dorff Torno, So er von hansen von Boxdorff Inhalt des kaufbriues daruber aufzgangen gekauft vnd der genant hans von Boxdorff das durch sein briff vnd Sigell vff sein behuff vor vns wie recht verfallen, mit allen gnaden vnd gerechtickaiten, zugehorungen vnd gebrauchungen, nichts aufgenohmen, Inmassen der genant hans von Boxdorff das von vns zu lehn gehabt vnd besellen hat, zu rechtem Manlehn gnediglich gelihen haben: vnd leyhen jm vnd seinen Menlichen leybs lehns erben Solch dorff Tornow wie obenberurt in vnd mit crafft dits briues vnd also, das er vnd sein Menlich leybs lehns erben nu surder mehr Solch dorff von vns vnd der Marggrafschaft zu rechtem Manlehn haben, so oft vnd dick des noth thut zu lehn nehmen vnd enpfaen, vns auch dauon thun, dinen vnd haltten sollen, Als manlehns recht vnd gewonhait ist. Wir haben auch vff sein fleissig bete vnd erfuchen dem wirdigen Ern Vlrichen, Dechant zu Meissen, Ern hainrich Ritter, vnd Jorgen, alle genant die von Wolffestorff, seinen brudern, vnd auch Ern Goczen, Ern hainrichen Rittern vnd nickell, auch genant die von Wolffestorff, seinen vettern, die gesampte hant an solchem dorff obbestimmt gelihen, als gesampte hant an solchem lenen recht vnd gewonhait ist. Vnd leyhen in hiran alles, das wir in von rechts wegen daran verleyhen sollen vnd mogen, doch vns vnd sunst aynem iderman an seinem rechten on schaden. Zu vrkund etc. Actum am donerstag Angnete virginis, im XC<sup>ten</sup> Jare.

Nach dem Kormärk. Lehnscopialbuche des R. Geh. Kab. Archives XXIX, 40.